

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**Kantonalna uprava civilne zaštite**

Broj: 18/01-44-020040-1/14  
Tuzla, 10.09.2014. godine

**INFORMACIJA**  
**o poplavama i klizištima na području TK u periodu**  
**maj – august 2014. godine i nevremenu sa**  
**obilnim kišnim padavinama, snažnim vjetrom i gradom**

**I UVOD**

Uslijed dugotrajnih padavina koje su se intenzivirale u periodu od 14. do 17. maja, u svim općinama TK, došlo je do naglog porasta vodostaja u vodotocima, a zatim i do izljevanja vode iz korita i poplava. Za četiri dana ukupno je palo više od 250 l/m<sup>2</sup> kiše, što je 2,7 puta više u odnosu na prosječnu količinu mjesečnih padavina za mjesec maj, koja za Tuzlu iznosi 92 l/m<sup>2</sup>. Nivo vode u akumulaciji Modrac je rastao 10-14 cm/h, preliv vode preko kote krune brane aktiviran je 15.05. u 1,20 sati, a najveća količina dotoka vode u akumulaciju je zabilježena u 19,00 sati i iznosila je 1.599,16 m<sup>3</sup>/s (to je 46,17% više od 1.000 godišnje vode koja iznosi 1.094 m<sup>3</sup>/s). Dana 16.05.2014. godine u 13,00 sati je zabilježen najviši nivo vodostaja u profilu brane koji je iznosio 203,42 m.n.m. uz isticanje najveće količine vode sa profila brane od 1.131,64 m<sup>3</sup>/s.

Obilne kišne padavine uzrokovale su dramatičan porast svih vodotoka na području Tuzlanskog kantona (TK) što je izazvalo plavljenje velikog broja stambenih, poslovnih i infrastrukturnih objekata. Veliki broj mostova i lokalnih puteva je oštećeno ili uništeno, a zabilježene su poteškoće u odvijanju saobraćaja na regionalnim i magistralnim putevima. Ispuštanje maksimalnih količina vode kroz sva 3 temeljna otvora na brani akumulacije Modrac dodatno je pogoršalo stanje na poplavljenim područjima.

Ubrzo nakon toga aktivirana su brojna klizišta i odroni zemljišta na području svih 13 općina TK, koja su ugrozila i oštetila izuzetno veliki broj stambenih i industrijskih objekata, magistralnih, regionalnih i lokalnih puteva te drugih infrastrukturnih objekata. Registrovano je preko 6.000 klizišta i odrona na području TK, od toga samo u općini Tuzla preko 2.000, uzrokujući ugrožavanje života građana, prekid komunikacija i ogromnu materijalnu štetu.

Dana 25.06.2014. godine između 16.30 i 17.00 časova općinu Gradačac zahvatilo je nevrijeme praćeno ledom i jakim kišnim padavinama. Led je bio od veličine oraha i manjeg jajeta. Led je uz jak vjetar i kišu padao oko 20 minuta i nanio je ogromne štete na poljoprivrednim kulturama i izazvao oštećenja na pojedinim objektima. U samom centru grada vjetar je čupao stabla, a stradalo je i par automobila.

Prema dostupnim podacima najviše su bila ugrožena područja mjesnih zajednica: Bukva, Bagdale, Lukavac Gornji, Škorići, Centar, Varoš, dio Vide I i II, Mionica I, Centar i Mionica III. U mjesnoj zajednici Požarike vjetar je digao i oštetio krovne konstrukcije.

Od 05.08. u 18,00 sati do 06.08.2014. godine u 10,00 sati palo je 127,8 l/m<sup>2</sup> kiše, što znači da su padavine za 16 sati bile za oko 50% veće od prosječne količine padavina za mjesec august, koja za Tuzlu iznosi 84 l/m<sup>2</sup>.

Nivo vode u akumulaciji Modrac neprekidno je rastao, pa je 07.08.2014. godine u 19,00 sati dostigao svoj maksimum, kada je iznosio 200,61 m nad morem odnosno 61 cm preko kote krune preliva, uz ukupan dotok vode u akumulaciju i ukupno isticanje iz nje od 126 m<sup>3</sup>/s.

Usljed obilnih padavina došlo je do naglog porasta vodostaja lokalnih vodotoka, a zatim i do izljevanja vode iz korita i poplava. Razorne posljedice avgustovskih poplava su u nekim područjima bile veće od onih u mjesecu maju.

Dana 23.08.2014. godine, u popodnevnim satima, snažno nevrijeme praćeno obilnim kišnim padavinama, snažnim vjetrom i gradom, zahvatilo je područje općina Doboj Istok, Gračanica, Srebrenik, Gradačac i Čelić.

Najveće štete su pretpjele općine Gračanica i Srebrenik. Na području općine Gračanica jako nevrijeme prouzrokovalo je oštećenja na više od 1.000 stambenih objekata, dvije osnovne škole, matičnom uredu, ambulanti, domu kulture, više trgovačkih objekata, više stotina ekonomskih objekata i na motornim vozilima, u naseljima Donja Orahovica, Miričina, Rašljeva i dio Lendića i Malešića.

U općini Srebrenik, nevrijeme je izazvalo prekid u putnim komunikacijama, telefonskom saobraćaju, elektroenergetskom napajanju pojedinih mjesta. Olujni vjetar je čupao drveće, skidao krovove na kućama i drugim objektima, a oštećena su i motorna vozila i poljoprivredna dobra.

Zbog obilnih kišnih padavina došlo je do izlivanja potoka i odvodnih kanala koji su poplavili veći broj stambenih i drugih pratećih objekata.

### 1.1 Posljedice poplava i klizišta

U tabelama 1 i 2 dat je kratak prikaz posljedica izazvanih poplavama i klizištima u mjesecu maju na osnovu preliminarnih podataka dobijenih od općinskih službi civilne zaštite.

Broj prijavljenih klizišta u općinama TK dat je u tabeli 1.

R/b	Općina	Broj prijavljenih klizišta
1.	Banovići	290
2.	Čelić	282
3.	Doboj Istok	192
4.	Gračanica	430
5.	Gradačac	288
6.	Kalesija	847
7.	Kladanj	204
8.	Lukavac	247
9.	Sapna	380
10.	Srebrenik	623
11.	Teočak	179
12.	Tuzla	2020
13.	Živinice	147
<b>Ukupno</b>		<b>6129</b>

Tabela 1 - Klizišta i odroni po općinama na dan 10.09.2014. godine

Općina	Stambeni objekti				Pomoćni objekti			
	Uništeno		Oštećeno		Uništeno		Oštećeno	
	Poplave	Klizišta	Poplave	Klizišta	Poplave	Klizišta	Poplave	Klizišta
Banovići	0	14	40	100	0	10	20	50
Čelić	2	18	34	46	1	2	0	1
Doboj Istok	0	0	55	19	0	1	35	40
Gračanica*	0	70	215	82	7	34	137	25
Gradačac	0	10	50	26	0	5	10	5
Kalesija*	0	33	8	734	0	33	2	145
Kladanj	0	3	66	36	5	4	0	35
Lukavac*	3	5	460	218	0	19	0	42
Sapna	0	25	1	191	7	65	0	105
Srebrenik	0	39	173	130	0	7	0	6
Teočak	0	7	23	48	0	1	10	28
Tuzla*	0	378	0	621	0	235	0	250
Živinice	30	43	676	51	30	12	280	25
<b>Ukupno</b>	<b>35</b>	<b>645</b>	<b>1801</b>	<b>2302</b>	<b>50</b>	<b>428</b>	<b>494</b>	<b>757</b>
<b>Sveukupno</b>	<b>680</b>		<b>4103</b>		<b>478</b>		<b>1251</b>	

Tabela 2 - Stambeni i pomoćni objekti ugroženi poplavama i klizištima na dan 23.06.2014. godine

(Vrijednosti označene sa \* su ažurirane na dan 15.07.2014. godine)

Važno je napomenuti da su u svim općinama ugrožena ili klizištem pomjerena pojedina lokalna groblja i mezarja a na nekima je potrebno izvršiti i eshumaciju, što iziskuje značajna materijalna sredstva.

### 1.2 Evakuacija i smještaj ugroženog stanovništva

Pored ogromnih materijalnih šteta poplave i klizišta prouzročile su i evakuaciju velikog broja stanovnika (7.286) na području Tuzlanskog kantona, uslijed čega su lokalne zajednice bile prinuđene formirati više prihvatnih centara za privremeni smještaj evakuisanih lica.

Prihvatni centri su formirani u općinama Sapna, Tuzla i Živinice (VB „Dubrave).

### 1.3 Oštećenja na objektima osnovnih i srednjih škola na području TK

Većina školskih objekata nema neka veća vidna oštećenja uslijed poplava i klizišta. Škole koje su pretrpjele oštećenja su:

- Područna škola u MZ Gornje Hrasno, općina Kalesija koja je uništena.
- Područna škola Zukići, općina Kalesija, koju je zahvatilo klizište i nije uslovna za održavanje nastave.
- Područna škola Dragunja, općina Tuzla, gdje je prekinut pristupni put školi.

U oko 30 škola, poplavljen su podrumske prostorije, kotlovnice ili radionice koje su na nižim nivoima. U svim poplavljenim objektima izvršeno je čišćenje i dezinfekcija, deratizacija i dezinskcija.

## **1.4 Opasnosti od pomjerenja minskih polja i zaostalih neeksploziviranih ubojitih sredstava**

Kao posljedica djelovanja nabujalih rijeka i aktiviranja velikog broja klizišta na području TK prisutna je bila realna opasnost od pomjerenja minskih polja, donošenja i izbacivanja na površinu zaostalih neeksploziviranih ubojitih sredstava (NUS) kao i pomjerenja i uništavanja minskih oznaka kao jedinog upozorenja na zaostale mine.

Posebno velika opasnost je izražena na putu Tuzla – Ban Brdo (osobito u MZ Seljublje) i Tuzla – Lopare (područje iznad G. Tuzle). Predstavnici Kantonalne uprave civilne zaštite (KUCZ) i RU BHMAC-a Tuzla su 19. i 20.05.2014. godine sa predstavnikom Ministarstva trgovine, turizma i saobraćaja obišli ove dionice i ukazali na opasne zone na kojima se radovi moraju izvoditi uz povećanu pažnju i tijesnu saradnju sa izviđačima RU BHMAC-a iz Tuzle.

Ista opasnost postoji i na području drugih općina na kojima putne komunikacije prolaze kroz registrirana minska polja.

## **II RUKOVOĐENJE AKCIJAMA ZAŠTITE I SPAŠAVANJA**

Od početka nesreće aktivni su općinski štabovi civilne zaštite.

### **2.1 Odluke o proglašenju stanja nesreće**

Zbog obilnih kišnih padavina i bujičnih vodotoka koji su izašli iz svojih korita i počeli ugrožavati ljude i njihovu imovinu na području cijelog kantona, na prijedlog općinskih štabova civilne zaštite, općinski načelnici su donijeli odluke o proglašenju stanja prirodne nepogode od poplava i klizišta na svim općinama Tuzlanskog kantona.

Zbog veoma loše situacije na terenu, Odluku o proglašenju stanja prirodne nepogode od poplava i klizišta je na prijedlog Kantonalnog štaba civilne zaštite (KŠCZ) donijela i Vlada TK, Odlukom broj: 02/1-44-011779/14 od 15.05.2014. godine.

Navedenim odlukama općinski i KŠCZ su preuzeli ulogu rukovođenja akcijama zaštite i spašavanja.

### **2.2 Rukovođenje akcijama zaštite i spašavanja na području općina**

Svi općinski štabovi su obavljali poslove u skladu sa Zakonom o zaštiti i spašavanju. U skladu sa općinskim planom zaštite i spašavanja, štabovi su rukovodili akcijama zaštite i spašavanja, koristeći snage i sredstva zaštite i spašavanja i sve raspoložive resurse općine.

### **2.3 Rukovođenje akcijama zaštite i spašavanja na području kantona**

Dana 15.05.2014. godine, na prijedlog Kantonalnog štaba civilne zaštite (KŠCZ), Vlada Tuzlanskog kantona (Vlada TK) je donijela Odluku o proglašenju stanja prirodne nesreće uzrokovane poplavama i klizištama na području Tuzlanskog kantona.

Navedenom Odlukom, KŠCZ je zadužen da u skladu sa važećim zakonskim propisima preuzme sve aktivnosti oko koordinacije i rukovođenja akcijama zaštite i spašavanja na ugroženom području.

U periodu od 14.05.2014. godine do 25.08.2014. godine, KŠCZ je održao 22 vanredne sjednice na kojima je donio: 73 naredbe, 52 zaključka, 9 preporuka, 31 odluku, 2 saglasnosti i 2 mišljenja.

Vanredna sjednica KŠCZ	Datum	Donesene naredbe	Doneseni zaključci	Donesene preporuke	Donesene odluke	Date saglasnosti	Data mišljenja
1.	14.05.2014	2		1			
2.	15.05.2014	3					
3.	16.05.2014		5				
4.	16.05.2014	2	1				
5.	17.05.2014	9			1		
6.	17.05.2014	5	1	1		1	
7.	18.05.2014	10		2			
8.	19.05.2014	6	2	2	2		
9.	20.05.2014	7					
10.	23.05.2014	10	1	2	1		
11.	27.05.2014		3		2		
12.	24.05.2014		26				
13.	27.05.2014	4	1	1			
14.	03.06.2014	6	1		1		
15.	16.06.2014	5	2		9		
16.	16.07.2014	1	5		8		
17.	24.07.2014		1				
18.	06.08.2014	3	2		1		
19.	07.08.2014				2		
20.	11.08.2014				3		
21.	14.08.2014						2
22.	25.08.2014		1		1	1	
<b>Ukupno</b>		<b>73</b>	<b>52</b>	<b>9</b>	<b>31</b>	<b>2</b>	<b>2</b>

Tabela 3 - Pregled broja održanih sjednica i donesenih akata od strane KŠCZ Tuzla

Sjednice su održavane u prostorijama KUCZ, osim 4. sjednice, koja je održana 16.05.2014. godine u Lukavcu i 12. vanredne sjednice koja je održana u Bosanskom kulturnom centru u Tuzli kojoj su prisustvovali općinski načelnici, načelnici općinskih štabova civilne zaštite i predstavnici Federalne uprave civilne zaštite.

Sva akta donesena na sjednicama KŠCZ odmah su prosljeđena subjektima na koje se odnose i prema povratnim informacijama, koje su do sada dostavljene, zaduženi subjekti su većinu realizirali.

### III PROCJENA ŠTETE

Preliminarne procjene pokazuju da se radi o štetama koje su takvih razmjera da prevazilaze ekonomske mogućnosti općina i kantona, te će biti neophodna pomoć viših nivoa vlasti (tabela 4. i tabela 5.).

R/b	Općina	Preliminarna procjena šteta (posljedice poplava i klizišta u maju 2014.	Preliminarna procjena šteta (posljedice poplava i klizišta u augustu 2014.	Ukupno
1.	Banovići	5.460.000	3.100.000,00	8.560.000,00
2.	Čelić	10.135.000	11.260.000,00	21.395.000,00
3.	Doboj Istok	14.800.000	19.904.013,53	34.704.013,53
4.	Gračanica	43.939.000	26.455.000,00	70.394.000,00
5.	Gradačac	19.900.000	13.300.000,00	33.200.000,00
6.	Kalesija	6.635.000	1.630.000,00	8.265.000,00
7.	Kladanj	8.031.000	1.189.283,95	9.220.283,95
8.	Lukavac	13.768.200	16.412.000,00	30.180.200,00
9.	Sapna	14.355.000	1.115.000,00	15.470.000,00
10.	Srebrenik	14.485.000	22.591.000,00	37.076.000,00
11.	Teočak	6.119.000	247.959,00	6.366.959,00
12.	Tuzla	352.760.000	800.000,00	353.560.000,00
13.	Živinice	8.986.300	1.674.000,00	10.660.300,00
<b>Ukupno</b>		<b>519.373.500</b>	<b>119.678.256,48</b>	<b>639.051.756,48</b>

Tabela 4 - Preliminarne procjene šteta po općinama

R/b	Preliminarna procjena štete					
1.	Vrsta prirodne ili druge nesreće	Stanje prirodne nesreće usljed poplave i klizišta, na području TK	maj 2014. godine	august 2014. godine	Ukupno	
3.	Stanovništvo	Umrli/poginuli	0	0	0	
		Ranjeni/oboljeli	88	2	90	
		Evakuirani (broj stanovnika)	4.919	2.367	7.286	
4.	Preliminarna šteta (prva vizuelna procjena štete na ugroženom području)	Stambene zgrade	Broj porušenih	441	3	444
			Iznos štete KM	<b>36.930.000,00</b>	<b>120.000,00</b>	<b>37.050.000</b>
			Broj oštećenih	4.662	3.319	7.981
			<b>Iznos štete KM</b>	<b>42.893.000,00</b>	<b>17.228.869,50</b>	<b>60.121.869</b>
		- zemljište - zasadine	Površina u ha	13.430	7.273,50	20.703,50
			<b>Iznos u KM</b>	<b>348.025.000,00</b>	<b>24.095.080,53</b>	<b>372.120.080</b>
		Stočni fond (štete)	Uginulo	143	1.927	2.070.
			<b>Iznos štete KM</b>	<b>64.000,00</b>	<b>50.000,00</b>	<b>114.000</b>
			Oboljelo	400	200	600
			<b>Iznos u KM</b>	<b>60.000,00</b>	<b>10.000,00</b>	<b>70.000</b>
Ostale štete	<b>Ukupno (KM)</b>	<b>91.401.500,00</b>	<b>78.174.306,45</b>	<b>169.575.806</b>		
<b>Ukupno (KM)</b>		<b>519.373.500,00</b>	<b>119.678.256,48</b>	<b>639.051.756,48</b>		

Tabela 5 - Preliminarne procjene šteta na nivou kantona

Visina štete od nevremena koje je zahvatilo općinu Gradačac 25.06.2014. godine iznosi 7.726.263,24 KM.

Procjenu štete od nevremena praćenog obilnim kišnim padavinama, snažnim vjetrovom i gradom, koje je 23.08.2014. godine zahvatilo nekoliko općina TK, sačinile su samo općine Gračanica i Čelić. Grad je u općini Gračanica zahvatio područja mjesnih zajednica Donja Orahovica, Miričina i Rašljeva načinivši 100% štetu na usjevima zasijanim na oko 110 ha.

Kultura	Učešće u ukupnoj površini (%)	Površina (ha)	Prinos (t/ha)	Cijena (KM/t)	Iznos štete (KM)
Kukuruz merkantilni	20	22	3	400,00	26.400,00
Povrće	80	88	10	1000,00	880.000,00
<b>Ukupno</b>		<b>110</b>			<b>906.400,00</b>

Tabela 6 – Štete od grada na poljoprivrednim usjevima u općini Gračanica

Štete od grada su registrovane na 1583 stambena i 1326 pomoćnih i ekonomskih objekata i procjenjuju se na 1.724.760,00 KM. U navedene tri mjesne zajednice oštećen je 271 automobil a šteta je procijenjena na 406.500,00 KM.

Ukupne štete od grada na području općine Gračanica iznose 3.037.660,00 KM.

Olujno nevrijeme praćeno kišom i gradom koje je zadesilo prostor općine Čelić u subotu 23.08.2014. godine dovelo je do izlivanja iz korita brojnih lokalnih potoka i rječica koje su uzrokovale plavljenje oko 30 stambenih objekata i oštećenje lokalnih makadamskih i asfaltiranih puteva te poljoprivrednih površina. Grad veličine oraha nanio je velike štete poljoprivrednim usjevima u najvećoj mjeri kukuruza i voću. Stradale su velike površine zasada jagoda koje se nisu oporavile od predhodnih poplava a što je posebno važno istaći da su novi zasadi jagoda koji su zasađeni sadnim materijalom doniranom od strane Federalnog ministarstva za raseljena lica i izbjeglice također oštećeni u velikoj mjeri.

Preliminarna šteta na uništenim poljoprivrednim površinama, lokalnim putevima i stambenim objektima procijenjena od strane Komisije za procjenu šteta iznosi 500.000,00 KM.

U općini Srebrenik je oko 1.000 građana pretrpjelo štete od grada na svojim stambenim objektima i poljoprivrednim usjevima.

Skoro dvije trećine općine bilo je pogođeno jakim ledom a posebno su stradala mjesna područja: Srebrenik, Duboki Potok, Tinja i Podorašje.

Prema do sada prijavljenim štetama, uništeno je oko 26.780 komada crijepa. Na osnovu ovog uzorka može se procijeniti da je uništeno oko 100.000 komada crijepa.

Posljedice djelovanja leda su oštećeni: krovovi (crijep, salonit ploče, šindra), fasade, plastenici, voćnjaci, poljoprivredni zasadi, prozori, automobili, putna infrastruktura i dr.

## IV PREGLED POMOĆI DODJELJENE OPĆINAMA

### 4.1 Posebna naknada za zaštitu od prirodnih i drugih nesreća TK<sup>1</sup>

Na 6. vanrednoj sjednici održanoj 17.05.2014. godine, KŠCZ je donio saglasnost kojom se odobrava direktoru KUCZ da, u skladu sa članom 6. Odluke o postupku i uslovima za dodjelu

<sup>1</sup> Saglasnost KŠCZ broj: 02/24-44-011808-6-1S/14 od 17.05.2014. godine o isplati akontacije po 10.000,00 KM svim općinama na području TK,  
Odluka KŠCZ broj: 02/24-44-011808-11-1O/14 od 23.05.2014. godine o isplati jednokratne pomoći općinama po 40.000,00 KM,  
Odluka Vlade TK, broj: od 14.08.2014. godine o dodjeli jednokratne pomoći općinama u iznosu od 1.300.000,00 KM,  
Saglasnost KŠCZ broj: 02/24-44-011808-22-1S/14 od 25.08.2014. godine o isplati akontacije po 20.000,00 KM općini Gračanica.

jednokratne novčane pomoći opštinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluke o isplati akontacije po 10.000,00 KM svim općinama na području Tuzlanskog kantona, odnosno ukupno 130.000,00 KM.

KŠCZ je na 11. vanrednoj sjednici održanoj 27.05.2014. godine donio Odluku kojom je, na prijedlog Kantonalne komisije za procjenu šteta od prirodnih i drugih nesreća, općinama na području TK dodijeljeno po 40.000,00 KM za hitne intervencije na otklanjanju šteta nastalih djelovanjem prirodne nesreće uzrokovane poplavama i klizištima, odnosno ukupno 520.000,00 KM.

Na 14. vanrednoj sjednici, održanoj 14.08.2014. godine, Vlada Tuzlanskog kantona donijela je Odluku o dodjeli jednokratne novčane pomoći općinama iz sredstava posebne naknade za hitne intervencije u toku prirodne nesreće od poplava i klizišta na području Tuzlanskog kantona u avgustu mjesecu 2014. godine. Vlada TK odobrava isplatu iz sredstava posebne naknade Općini Tuzla 286.000,00 KM, općinama Grčanica, Lukavac i Srebrenik po 117.000,00 KM, općinama Gradačac, Kalesija i Živinice po 91.000,00 KM, dok će Banovići, Čelić, Doboj Istok, Kladanj, Sapna, Teočak dobiti po 65.000,00 KM. Općine su obavezne podnijeti pisani izvještaj i dokumentovano opravdati potrošnju dodijeljenih sredstava.

Na 22. vanrednoj sjednici održanoj 25.08.2014. godine KŠCZ je dao saglasnost direktoru Kantonalne uprave civilne zaštite Tuzla, da u skladu sa članom 6. Odluke o postupku i uslovima za dodjelu jednokratne novčane pomoći opštinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluku o isplati akontacije u iznosu od 20.000,00 KM općini Gračanica.

#### **4.2 Budžetska sredstva TK<sup>2</sup>**

Na prijedlog Kantonalne komisije za procjenu štete Vlada TK je na svojoj 8. redovnoj sjednici, održanoj 29.05.2014. godine, donijela Odluku kojom je iz budžetske rezerve dodijeljena pomoć općinama za hitne intervencije po 1.500 KM, odnosno ukupno 19.500 KM. Vlada TK je u skladu sa propisanim procedurama zatražila pomoć od Federalog štaba civilne zaštite i Vlade Federacije BiH.

#### **4.3 Posebna naknada za zaštitu od prirodnih i drugih nesreća F BiH<sup>3</sup>**

FŠCZ je 08.08.2014. godine donio Odluku o isplati akontacije jednokratne novčane pomoći općinama iz sredstva posebne naknade za zaštitu od prirodnih i drugih nesreća F BiH u iznosu po 20.000 KM.

#### **4.4 Budžetska sredstva F BiH<sup>4</sup>**

Do sada je iz budžeta F BiH sa pozicije „Tekući transferi područjima pogođenim elementarnim nepogodama“ Vlada F BiH dodijelila 1.225.000,00 KM Tuzlanskom kantonu.

---

<sup>2</sup> Odluka o odobravanju sredstava na ime pomoći općinama sa budžetske pozicije „Tekuće rezerve“ u iznosu od 19.500,00 KM, broj Odluke: xxxx/14 od 14.08.2014. godine.

<sup>3</sup> Odluka FŠCZ o isplati akontacije jednokratne novčane pomoći općinama u iznosu po 20.000,00 KM, broj Odluke: 01-14/32-711/14 od 08.08.2014.

<sup>4</sup> Odluka o izdvajanju dijela sredstava iz Budžeta FBiH za 2014. godinu, broj: 1143/2014 od 19.06.2014. godine; dopuna Odluke na 126. sjednici održanoj 22.07.2014. godine da se Gračanici dodjeli još 128.150,22 KM; dopuna Odluke na 130. sjednici održanoj 03.09.2014. godine da se Gradačcu dodjeli još 34.366,48 KM,

Odluka o izdvajanju sa pozicije „Tekući transferi područjima pogođenim elementarnim nepogodama“ Vlade F BiH 1.225.000,00 KM Tuzlanskom kantonu,

Odluka o izdvajanju sa pozicije „Tekuće rezerve Vlade F BiH“ Budžeta FBiH općini Gračanica 300.000,00 KM u građevinskom materijalu - crijepu, 129. sjednica Vlade F BiH održana 28.08.2014. godine.



Pored ovoga općini Gračanica dodjeljeno je 128.150,22 KM i 300.000 KM u građevinskom materijalu - crijepu, a općini Gradačac 34.366,48 KM.

#### 4.5 Zajam Svjetske banke

Na 129. sjednici, Vlada F BiH je donijela Odluku o davanju saglasnosti za zaključivanje ugovora o kreditnom zaduženju kantona iz sredstava dodatnog finansiranja po IV Stand by aranžmanu s Međunarodnim monetarnim fondom, utvrđenih Budžetom Federacije BiH za 2014. godinu, u ukupnom iznosu od 40.000.000 konvertibilnih maraka.

Sredstva su odobrena kantonima na kreditnoj osnovi do iznosa utvrđenih na osnovu njihovog procentualnog učešća u raspodjeli prihoda od indirektnih poreza s Jedinstvenog računa za 2014. godinu, izračunatih na osnovu kriterija utvrđenih Zakonom o pripadnosti javnih prihoda u FBiH i zvaničnih dostupnih statističkih podataka.

Tuzlanskom kantonu je po ovom osnovu dodjeljeno 6.486.829,00 KM s tim da su općine Banovići, Čelić i Gradačac isključene iz raspodjele ovih sredstava.

#### 4.6 Rekapitulacija finansijske pomoći općinama na Tuzlanskom kantonu za hitne intervencije u odgovoru na prirodnu nesreću

Općina	Posebna naknada za zaštitu TK	Budžetska sredstva TK	Posebna naknada za zaštitu F BiH	Budžetska sredstva F BiH	Zajam Svjetske banke	Ukupno
Banovići	115.000,00	1.500,00	20.000,00	112.872,47		<b>249.372,47</b>
Čelić	115.000,00	1.500,00	20.000,00	67.704,59		<b>204.204,59</b>
Doboj Istok	115.000,00	1.500,00	20.000,00	90.121,24	222.544,00	<b>449.165,24</b>
Gračanica	187.000,00	1.500,00	20.000,00	567.366,08	679.000,00	<b>1.454.866,08</b>
Gradačac	141.000,00	1.500,00	20.000,00	141.678,14		<b>304.178,14</b>
Kalesija	141.000,00	1.500,00	20.000,00	150.593,85	541.134,00	<b>854.227,85</b>
Kladanj	115.000,00	1.500,00	20.000,00	79.247,49	244.308,00	<b>460.055,49</b>
Lukavac	167.000,00	1.500,00	20.000,00	230.304,62	689.828,00	<b>1.108.632,62</b>
Sapna	115.000,00	1.500,00	20.000,00	153.858,13	302.229,00	<b>592.587,13</b>
Srebrenik	167.000,00	1.500,00	20.000,00	404.619,16	714.929,00	<b>1.308.048,16</b>
Teočak	115.000,00	1.500,00	20.000,00	80.920,38	110.528,00	<b>327.948,38</b>
Tuzla	336.000,00	1.500,00	20.000,00	864.606,47	2.024.405,00	<b>3.246.511,47</b>
Živinice	141.000,00	1.500,00	20.000,00	240.176,80	957.924,00	<b>1.360.600,80</b>
<b>Ukupno</b>	<b>1.970.000,00</b>	<b>19.500,00</b>	<b>260.000,00</b>	<b>3.184.069,42</b>	<b>6.486.829,00</b>	<b>11.920.398,42</b>

Tabela 7 – Finansijska pomoć općinama na Tuzlanskom kantonu

Iz tabele 7 se može zaključiti da je kao pomoć općinama TK iz kantonalnih izvora upućeno 1.989.500,00 KM dok je iz federalnih izvora doznačeno 3.444.069,42 KM. To ukupno iznosi 5.433.569,42 KM.

## V ZAKLJUČNA RAZMATRANJA

1. Obilne kišne padavine u vremenu od 12. do 17.05.2014. godine kao i u periodu od 05. do 06.08.2014. godine, uzrokovale su nagli porast vodostaja u svim vodotocima, izljevanje iz korita i nezapamćenim poplavama na području cijelog Tuzlanskog kantona. Poplavljeno je više stotina stambenih i pomoćnih objekata, industrijskih objekata i poljoprivrednog zemljišta. Dostignuta je rekordna visina preljeva na brani HA Modrac od 3,42 m što je dovelo u opasnost stabilnost objekta brane. Došlo je do prekida putnog i željezničkog saobraćaja i plavljenja i oštećenja magistralnih, regionalnih i lokalnih puteva. Obustavljena je nastava u osnovnim i srednjim školama i na Univerzitetu u Tuzli.
2. Na području TK aktivirano je preko 6.000 klizišta i odrona koja su uništavala cijela naselja i nanijela ogromnu materijalnu štetu. Najteža situacija bila je na području općine Tuzla gdje je aktivirano preko 2.000 klizišta i odrona.
3. Stanje prirodne nepogode zbog poplava i klizišta proglašeno je na svim općinama i na nivou TK. Aktivirani su štabovi civilne zaštite koji su rukovodili akcijama zaštite i spašavanja građana i njihove imovine.
4. U akcijama zaštite i spašavanja u mjesecu maju i avgustu evakuirano je 7.286 građana i smješteno kod rodbine, prijatelja i prihvatne centre koje su organizirali štabovi civilne zaštite.
5. Značajan doprinos u toku trajanja nesreće dale su OS BiH i pripadnici 5. pješadijske brigade smješteni u Vojnoj bazi Dubrave kroz pružanje pomoći u evakuaciji građana, njihovom prihvatu i smještaju u vojnoj bazi, prevozu na poplavljenim dijelovima putnih komunikacija i izvođenju radova na zaustavljanju klizišta.
6. Crveni križ TK sa svojim općinskim organizacijama dao je veoma veliki doprinos zbrinjavanju evakuiranog stanovništva, osiguranju i distribuciji humanitarne robe do svih evakuiranih građana.
7. Zavod za javno zdravstvo TK doprineo je normalizaciji stanja na poplavljenim i klizištima ugroženim područjima kroz kontrolu ispravnosti vode za piće i u suradnji sa HES službama domova zdravlja na dezinfekciji posebno obrazovnih objekata.
8. Ministarstvo unutrašnjih poslova TK učestvovalo je u aktivnostima vezanim za normalizaciju života i komunikacija, obezbjeđenju napuštenih objekata kao i u konkretnim akcijama spašavanja građana iz poplavljenih objekata.
9. U toku trajanja nesreće i u akcijama zaštite i spašavanja nije bilo smrtnog stradanja građana i spasilaca. Na izvođenju radova na hitnim mjerama sanacije terena na području općine Tuzla povrijeđena su 2 uposlenika općine Tuzla, jedan sa prelomom noge a drugi sa lakšim povredama.
10. Od strane općinskih komisija za procjenu šteta urađena preliminarna procjena štete od poplava i klizišta. Ukupna preliminarna šteta procjenjena je na 639.051.756,48 KM.
11. Konačne procjene šteta u općinama, Općinske komisije za procjenu šteta dužne su dostaviti Kantonalnoj komisiji za procjenu šteta u roku od 60 dana od proglašenja prestanka stanja prirodne nesreće na području općine ili prestanka stanja prirodne nesreće na području Kantona. S obzirom da je stanje prirodne nesreće proglašeno i još uvijek na snazi, većina općinskih komisija još uvijek nisu okončale poslove oko procjene šteta. Općine Čelić, Doboj Istok, Gračanica, Kladanj i Kalesija, izvršile su procjenu šteta i dostavile su svoje izvještaje o procjeni Kantonalnoj komisiji za procjenu šteta, iako je na području tih općina i dalje proglašeno stanje prirodne nesreće, pa očekivati je da će i visine tih šteta biti veće odnosno biti korigovane.

12. Odlukama Kantonalnog štaba civilne zaštite iz robnih rezervi Tuzlanskog kantona dodijeljena je pomoć općinama od 400 l dizel goriva za brzo djelovanje u provođenju akcija zaštite i spašavanja. Crvenom križu TK je dodijeljeno 400 l i MUP-a TK 800 l dizel goriva za potrebe pojačanih troškova u obavljanju poslova poidrške akcijama zaštite i spašavanja.
13. Svim općinama Tuzlanskog kantona dodijeljena je akontacija pomoći od po 10.000,00 KM za hitne intervencije na početku nesreće, a kasnije i novih 40.000,00 KM pomoći od Kantonalnog štaba civilne zaštite, iz sredstava Posebne naknade za zaštitu od prirodnih i drugih nesreća. Također, općinama je dodijeljena jednokratne novčane pomoći općinama iz sredstava posebne naknade za hitne intervencije u iznosu od 1.300.000,00 KM. Ukupno je općinama dodijeljena pomoć u iznosu od 1.950.000,00 KM sredstava posebne naknade za obavljanje hitnih intervencija na provođenju mjera zaštite i spašavanja u rukovođenju akcijama zaštite i spašavanja od strane općinskih štabova civilne zaštite.
14. Na prijedlog Kantonalne komisije za procjenu štete Vlada TK je iz budžetske rezerve dodijela pomoć za hitne intervencije od 1.500,00 KM odnosno ukupno 19.500,00 KM. Vlada TK je u skladu sa propisanim procedurama zatražila pomoć od Federalog štaba civilne zaštite i Vlade Federacije BiH.
15. Kao pomoć općinama TK iz kantonalnih izvora upućeno je 1.989.500,00 KM dok je iz federalnih izvora doznačeno 3.444.069,42 KM.
16. U Centar za prihvata, uskladištenje i distribuciju humanitarne robe, koji je organizirao Kantonalni štab civilne zaštite i na račun za uplatu novčanih sredstava za pomoć nastradalom stanovništvu, koji je otvorila Vlada TK nije do sada pristigla značajnija pomoć.
17. Ostvaren je veliki broj kontakata sa predstavnicima međunarodnih organizacija od strane Kantonalnog štaba civilne zaštite i članova Vlade TK i efekti tih razgovora se osjećaju kroz isporuku odgovarajuće opreme i kadrova.
18. U toku trajanja nesreće pružana je pomoć građanima i štabovima civilne zaštite u Posavskoj županiji, Brčko Distriktu BiH i Republici Srpskoj.
19. U okviru Univerziteta u Tuzli je formiran Krizni štab i stručni kadrovi posebno RGGF-a direktno su učestvovali u pružanju stručne pomoći na terenu.
20. Nakon proglašenja prestanka stanja prirodne nesreće na području općina TK odnosno prestanka stanja prirodne nesreće na području Kantona, KUCZ će izvršiti detaljnu analizu preduzetih aktivnosti od strane svih subjekata, vezanih za odgovor na prirodne nepogode i predložiti mjere za poboljšanje stanja u sistemu zaštite i spašavanja.

**DIREKTOR**

Mr.sci. Zdenko Tadić